

## Et Hууwen-Hүүschen kamt eefter Hүүsem

*Fraidi di 27. april am e klook 20.00 jeeft et nuch iinjsen e möölikhäid dät nai frasch musical "Et Hүүwen-Hүүschen" önjt Husumhus tu siien.*

Bai e premiere önj Naibel heet et hiilj ensemble foont Nordfriisk Teooter iinjsen wider wised wat åles möölik as aw frasch. For en mååst ütferkååften sool köön da schauspaalere ån musiker da tukiikere mariwe ån begaistere.



Önjt stuk gungt et am en latjen hууwen irgentweer twasche Ääderstää ån Klångsbel – nauer säid et roui latj stää jüst bai e dåmperbru. Heer årbet Tante Meier, e liiwüset foont meeklik latj hууwen-hүүschen. Manschne kaame ån gunge, naie üt önj e fiirnse unti kiire tubååg. Duch weer uk åltens e räis ja haane fååre schal – bai Tante Meier mååge ´s en kort schufftid, iir ´s apbreege foont üülj eeftert nai. Sam fine deer twasche spåilstiinj, hүүschenbjarsel ån siipespånder duch wålj jare grut liifde. Duch deer trüwet en gruten fååre fort latj hууwen-hүүschen! Koon Tante Meier ferhanere, dät en grut sanitåårfirma et hүүschen ouernamt? Ån wat nuch wichtier as... schal uk Tante Meier deer aw e kånt twasche heef ån lönj nuch di ruchte moon fine koone?

Arks stuk foont Nordfriisk Teooter as ma tjüsche ouertiitel, sүdåt enarken wat niinj frasch koon, e hoonling suner probleeme ferstönje koon.

Koorde fåit hуum önjt interneet uner [www.teooter.de](http://www.teooter.de) unti ouert telefoon uner 04671-6024154.

## Minority SafePack Initiative

Et müülj da 1 miljoon unerschrafte tu soomlen as luked. Bait iinje foon e aksjoon san önjt gehiilj 1.215.879 unerschrafte

tuhуupe kiimen, wat en gruten tråås for da manerhäide önj Europa as.

E „Minority SafePack Initiative“ as en påk üt ünlike forsliike for ruchte, wat et stipen foon natsjonaale manerhäide säåkere schal. Et hoodmüülj as e ruchtik säåkering foon e manerhäide önj Europa.

## Spräkeräis tu da Baske

*Foon e 8. – 14. juuli kjart e Friisk Foriining tu da Baske önj noordspånjen.*

E natöör önjt Baskenlönj tiignet ham döör e gräin stijnküst üt, wat üünhiimlik foole oufwaxsling бүt. Ouers uk kulturäl heet et Baskenlönj foole öntubiidjen.

Önjtgehiilj snååke 1.185.500 manschne e språke baskisch, wat ma nån oudern språke früne as. Ouers da Baske unerschiise jam ai bloots döör e äine språke, ouers uk döör e ouer iirhunerte wüksene, äin kultur.

Saandi di 8. juuli kääre we ma en shuttlebus lüüs eefter Hamborj tu e fluuchhuuwen. Foon deerüt gungt et ma e flinjer eefter Bilbao. Et kwartiir as ambenbai ouderthuulew stüne wid wach foon Bilbao önj et latj stää Tolosa, tacht bai San Sebastian.

En ouderen wichtie aspäkt bai e räis as natörlik uk, dåt da diiljnaamere unerwäägens friisk maenouder snååke. For da, wat deerbai san än liir et, as et en gou geläägenhäid, säåkerer önj e amgung ma di språke tu wården.

E diiljnaamerpris lait bai 450 € awt hood.

E diiljnaamertål as aw 18 manschne fååstläit, önjmalde koon följ ham bait sekretariot uner [info@friiske.de](mailto:info@friiske.de) unti ouert telefoon uner 04671-6024154.



San Sebastian

## Tuhupe Luupe

*Frasche Rädj ploont foon e 18. - 20. moi mat fiilj tu e europäisch kulturhoodstää 2018 tu käären.*



Jarling as e weestfrasch stää Ljouwert / Leuwarden europäisch kulturhoodstää. Tubai hu kulturäle aksjoone jeeft et uk maning sportforheewen.

Deertu ploont di Frasche Rädj et projäkt Tuhupe Luupe, weer ja önj e luup foon tou deege mat fiilj foon Nordfraschlönj eefter Ljouwert kääre wan.

Dåt besunere deerbai as, dåt e wäi ouer Håililönj nümen wårt, än dåt deerdöör e grutstepåart foon e wäi döör lönj kjart wårt, weer frasche ham boogseet heewe. Foon Håililönj gungt et dan widere mat schap eefter Ååstfraschlönj.

Di Frasche Rädj gungt deerfoon üt, dåt maning manschne ma mååge wan, uk ouerdåt e termiin aw dåt lung waagiinje tu paingsten läit wörden as. Tubait fiiljkäären jeeft et aw e wäi hu kulturäle forheewene, sü as tum baispal en konsärt önj Ååstfraschlönj.

Wan jam mör am et projäkt waase wan dan gung aw [www.tuhupeluupe.org](http://www.tuhupeluupe.org)

## Lirsberucht 2017/18 (korted)

*... forläid aw e lasmootefersoomling foon e Foriining, di 14. märts 2018 önj Risem.*

- Et jarst teooterstuk **"Da üülje da goue"** foont Nordfriisk Teoter köö di 2. april sin premiere fiire. Ma tjüsche ouertiitel köön uk manschne, wat niinj frasch ferstönje, ham dåt stuk önjkiike. Önjt gehiilj as et fiiw tunge apfjart wörden.

- Di 20. moi heewe 10 ünlike gibselfloose wider am di jarste plåts önj e **Gibselwråålsmäisterschap** strääwet. Di jarste plåts füng jarling en floose foont Risem-Schölj.

- Üüse lasmooteferiin Rökefloose heet foon e 8. - 9. juuli wider sin **aktionwaagiinje** for frasche jöögedlike önjbin. Di jarste dái gäng et eefter Hünning am aw e Treene kanu tu käären, än di tweede dái wjarn ja önj Bylderup-Bov am lasertag tu spaalen.

- Di 15. juuli heet et stjör hu geeste låásid am bai söödweestjarn **heefluupen** tu gungen. Jörgen Jensen Hahn heet trinam wised, än et wjarn hu geeste foon e FUEV kiimen.



- E Friisk Foriining wus foon e 24. - 31. juuli aw en frasch **jöögedspräkeräis** önj Ladiinjen. Ma tou buse än ån liiwoin gäng et ma 19 manschne dil önjt sööden. Et wörd en trinam loked forheewen. Di huuchtepunkt foon e räis wus en spånktuur aw en 2700 meter huuge bärj.



- Tu e **samerütfluch** gäng et di. 16. septämber ma ån bus än en ra priwootwoine tu e üülje huuwen foon Hollingstedt. Deereefter jäif et kafe än kååge önj Jübek, än tuleest fungen da diiljnaamere wat ouer et ååpelschap önj Hollingstedt tu waasen.

- Et tweed teooterstuk **Jonk Bradlep** häi sin premiere di 1. oktoober. Et stuk hoonelt foon en jung wüset, wat åltens wi foon en spoosien ünbeånden hiimseecht wårt. Tri tunge köö et for en måst ütferkååften sool wised wårde.

- Bait 30. **Friisk Harfsthuuchschölj** awt dånsh följkhuuchschölj önj Jarplund wjarn mör as 60 diiljnaamere foon e 19. - 22. oktoober. Önjt program wjarn maning ünlike workshops, weer t.b. ma hoolt, praliine, papiir, unti parlekååde årbet wörd. Önjbin wörd uk praageln, hafstdeeko bastle, frasch for önjfångere än en ütfluch eefter Slasvik önjt St. Johannisklooster. Di een wörd e wunerfilm „Amama“ foont leest Filmfestival wised.

- Et leest teoterstuk foont Nordfriisk Teoter **"Et Hulk kiirt tubääg"** wus en jülstuk. E premiere wus di 1. adwänt (3. detsämber), än et kömen maning familie ma jare bjarne, am et stuk tu siien. Besuners da bjarne wjarn ouremätje önjdänj foont stuk.
- Tut **wunterfäst** ma gräinküüljääsen önj Risem di 2. februar kömen 115 lasmoote än waane foon e Foriining. Eeftert gräinküülj heewe bjarne foont Risem Schölj et teoterstuk „e doonserin foon Hoyerswort“ apfjart. Eeftert heet di naie jöögedfloose Shu-Shaan et stuk „Di papagoi“ uner e liidjing foon Oke Erzinger apfjart.
- Tut **biikebränen** wus di biikebunke jarling en lait latjer. Önj e nächst for biike as di bunke önjtånd wörden. E fүүrweer heet e bunke dan nuch ruchtidi utmääget, sü dåt et likes nuch en fain iilj wus. Awäädrie wörd tu fäst eeftert Risem önjt "Fraschlönj" lååsid. E biikereede wörd hülen foon Jörgen Jensen Hahn. Eeftert teoter ma "En mör tufali ferbreegen" foon e Rökefloose jäif et dan diskomusiik ma Dirk Bork.



- Di 22. februar häin Karin Haug, Claas Riecken än Gary Funck ünlike frasche tääle uner e tiitel **Frasche tääle tu Padersdäi** önj Lunham önjt Eichhorns forleesen.

## Wat kamt aw üs tu?

- **Et Huuwen-Hüuschen** (musical)  
27. april kl. 20.00  
önjt Husumhus Hüsem
- **Tuhuupe Luupe** (fiiljkääre)  
18. - 20. moi  
foon Bräist eeftert Ljouwert
- **Gibselwråålmäisterschap**  
5. moi kl. 13.00 bait Risem Schölj
- **Spräkeräis eeftert Baskenlönj**  
8. - 14. juuli
- **Samerütfluuch**  
8. septämber
- **31. Harfthuuchschölj**  
11. - 14. oktober önj Jarplund
- **7th European Minority Film Festival**  
16. - 17. nowämber önj Hüsem



Wan dü nuch niinj **emails** foone e Friisk Foriining fäist, än åltens aw di naieste stånd weese wääst, dan schak üs din aktuäl mäiladräs tu **info@friiske.de**



Dü fanst e Friisk Foriining uk aw **Facebook**. Heer fant huum åles, wat jüst önj e feriin lüüs as. Arken tørsdi jeeft et deer uk dåt "Frasch uurd foon e waag".

**Impräsum:** **Friisk Foriining**, Friisk Hüs,  
Süderstr. 6,  
25821 Bredstedt/Bräist

ViSdP: Ilwe Boysen